



**De Ivre Sistendi, Et Manvum Iniectione, Qvam Vvlgò
Arrestationem Vocant, Svccincta Explicatio**

Peck, Pierre

Antverpiæ, 1589

Vtrùm reditus hypothecatus un uno loco, si decursus est, possit à creditore eius cui debetur, arrestari in loco domicilij debitoris qui illum debet. Caput 9.

[urn:nbn:de:hbz:466:1-63495](https://nbn-resolving.org/urn:nbn:de:hbz:466:1-63495)

Bald. in l. mercatores. C. de commerc. Alexan.
consilio 92. lib. 4.

Excipio tamen hic debitorem fugitivum; 7
etenim existimo quod nō obstante dicta bul-
la aurea, Brabantus potest Brabantum, & res
eiusdem, siue in locis subiectis Imperio, siue
in aliis locis, arrestare aut sistere, & detinere, si
est fugitivus aut de fuga suspectus: quia cō-
tra debitorem fugitivum, cessant priuilegia.
Potest enim aduersus communes regulas ab
ipso creditore comprehendere. l. ait prætor. §. si
debitorem. ff. quæ in frau. cred. potest capi die
feriato, etiam in honorem Dei & Sanctorum
introducō. glo. celebris. in l. vlt. C. de fer. Bal.
in c. fin. eod. tit. Potest etiam iudex incompe-
tens illum comprehendere. Anchora. consilio
192. & Iason in l. vinum. nu. 5. ff. si cert. petat.
putat illū ab ecclesia auferri posse, & D. Præ-
ses in loco, à loco ad tempus. & Oldrad. consi.
54. decis. Capell. Tholos. 422. Boerius decis.
215. quod tamen non puto esse verum, vt &
Didac. lib. 2. variar. resolu. cap. vlt. num. 14. &
ideo in genere dicit Bal. consil. 1. & Ioā. Bapt.
Caccialupi de debitore suspect. q. 8. in princi-
num. 2. quod talis debitor non gaudet bene-
ficiis legalibus, & sic prædictum priuilegium,
debet accipere interpretationem à iure com-
muni.

Vtrum reditus hypothecatus in vno
loco, si decursus est, possit à credito-
re eius, cui debetur arrestari in loco
domicilij debitoris, qui illum debet.

Ca-

De Jure Sistendi.

Caput 9.

ARGUMENTA.

Locus promissionis in dubio censetur esse locus solutionis. num. 1.

Creditor ad domum debitoris accedere debet probandam solutionem, si non sit eiusdem cum eo fori. n. 2.

Actionem hypothecariam & personalem simul haberi posse nihil prohibet. nu. 3.

CONSULTVS fui superioribus mensibus super casu infra scripto; Quidam Brabantus cuidam Leodiensi, in provincia Leodiensi, & coram Scabinis ibidem, recognouit certum redditum annuum, super certis suis bonis, in eadem provincia Leodiensi sitis; Creditor eiusdem Leodiensis cui recognitio illa facta erat, sub praedicto debitore Brabanto, in Brabantia habitare, & auctoritate Iudicis Brabantii, decursos redditus pro debito suo arrestauit, seu arrestari fecit. Quasitum a me fuit, vtrum arrestatio valeret, tanquam debito loco facta, & an non obstante dicto arresto poterat Leodiensis agere, in patria Leodiensi actione hypothecaria, super dictis bonis propter solutionem dicti redditus consequendam. Et certe primo aspectu videbatur, quod ea arrestatio non poterat sustineri, propterea quod, sicut dicta recognitio redditus erat facta in patria Leodiensi, ita quoque solutio similiter ibi erat facienda, quia ubi aliud non conuenit, locus promissionis censetur esse destinatus ad solutionem faciendam. l. si cum dies. §. arbiter. ff. de arbit. & per consequens neque debitor dicti

dicti redditus potest cogi, vt soluat in Brabantia, nō magis ab ipso creditore, sui creditoris, quam à suo creditore, in cuius locum ille succedit. l. 2. & aliis ll. C. quando fisc. vel priuat. neque etiam inuito suo creditore cui redditum recognouit, in Brabantia solutionem facere potest, de cuius dissenſu certum est constare ex eo, quod se arresto opponat. Secundò quia ipsa bona hypothecata pro dicto redditu sunt affecta, & ideo potest Leodiensis ille non obstāte dicto arresto, actionem hypothecariam instituire in loco vbi bona illa sita sunt, & personam eius qui redditum illum recognouit omittere.

In contrarium tamen videtur esse veritas, Primò quia quod semper locus promissionis, est locus solutionis, negat expressè Barto ad l. quod si Ephesi. in fine principij. ff. de eo quod certo loco. Et regulariter vbi creditor & debitor, sunt diuersi fori, creditor vt solutionem suam consequatur, domum debitoris accedere debet, glo. & Doctor. in l. item illa. ff. de cōstit. pec. nisi aliud actū esse probetur, aut colligatur: Adeo quod nec emphyteuta quidem cogatur deferre canonem ad domum domini sui, si non est de foro domini. Bart. ibi. Secundò, quia si creditor velit potest, à debitore illic vbi habitat solutionē postulare, in vim actionis personalis orientis ex obligatione etiam personali, quia debitor promisit singulis annis redditum eiusmodi soluere: Nam licet bona ipsa, dicto redditu sunt affecta, pro maiori securi-

securi-

De Jure Sistendi.

3 securitate creditoris, promissio tamen soluendi reditum, facit principalem contractum. Et certè in arbitrio creditoris esse videtur, vt vel hypothecaria actiõe super bonis hypothecatis agat, vel vt actionem personalem contra promissorem reditus intendat, quia hypothecariam habere actionem, & personale habere meram, nihil pugnat. Bald. in l. edita. C. de eden. & in l. aduersus. C. de act. & oblig. facisq; est in proposito negocio, quod promissor, vel debitor reditus, saltè volenti suo creditori in Brabantia soluere possit, quodq; ea solutione facta arrestandans forsitan omni spe cõsequendi creditum suum, aut conueniendi illum in Brabantia, frustraretur: Et si creditor cui reditus debetur, durante arresto, eoq; non obstante agat contra promissorem reditus actione hypothecaria super bonis obligatis in illo loco, in quo sita sunt, potest promissor, vel debitor excipere, reditum cessum sub se arrestatum, & sub pena à Iudice sui domicilij, sibi esse prohibitum, ne soluat. Illa enim prohibitio & interdictio Iudicis, eum excusat. l. fin. & ibi Bald. ff. de leg. commissor. glo. in ca. significasti. de censibus. Ioann. Petr. de Ferrar. in sua praxi, in forma libelli, de sequestratio. ad verbum Audet.

Quo tempore arrestum fieri possit, vel non possit. Cap. 10.

ARGUMENTA.

Debitor an in feriis arrestari possit.

uu. 1.
Art.